

四庫全書

集部

欽定四庫全書

文苑英華卷一百八十六

宋 李昉等 編

省試七

明堂火珠一首

沉珠於淵二首

珠還合浦一首

罔象得玄珠一首

濁水求珠三首

暗投明珠三首

水懷珠一首

琢玉成器一首

玉卮無當二首

沾美玉一首

瑕瑜不相掩二首

瑜不掩瑕一首

玉水記方流六首

玉聲如樂二首

曼玉有餘聲一首

琢玉二首

水精環一首

亞父碎玉斗三首

美玉一首

西戎獻白玉環一首

白珪無玷一首

金在鎔一首

清如玉壺冰二首

玉壺冰四首

明堂火珠

崔曙

正位開重屋凌空出火珠
夜來霜月滿曙後一星孤
天淨光難滅雲生望欲無
還知聖明代國寶在名都

沉珠於淵

唐諱類
詩作泉

獨孤良器

皎潔澄泉水熒煌照乘珠
沉非將寶契還與不貪符
風折璿成浪空涵影似濡
深看星并入靜向月同無
光價憐時重亡情信道樞
不應無脛至自為暗投殊

同前

獨孤綬

至道歸淳朴明珠被棄捐
失真來照乘成性却沉泉
不

是靈蛇吐猶疑合浦旋岸旁隨日落波底共星懸致遠
終無脛懷貪遂比肩欲知恭儉德所寶在唯賢

珠還合浦

鄧陟

至寶含冲粹清虛映浦灣素輝明蕩漾圓彩色玢珣昔
逐諸侯去今隨太守還影搖波裏月光動水中山魚目
徒相比驪龍乍可攀願將車飾用長得耀君顏

罔象得玄珠

張

籍

類詩作
黎逢

赤水今何處遺珠已渺然離婁徒肆目罔象乃通玄皎

潔因成性圓明不在泉暗中看夜

類詩作
驅夜

色塵外照情

田無脛真難掬懷疑寶

類詩
作寶

易遷今朝搜擇得應自

一作

免媚晴川

濁水求珠

王起

行潦沉明月光輝也不浮識珍能洞鑿精寶

一作
意

此來

求幾被泥沙雜常隨混濁流潤川終自媚照乘且何由
的礫終難掩晶瑩願見收蛇行無脛至飲德已聞酬

同前

呂價

至寶誠難得，潛光在濁流。
深沉當處晦，皎潔庶來求。
綴履將還用，褰裳必更收。
蚌胎應自別，魚目豈能儔。
日彩逢高鑒，星光詎暗投。
不因今日取，泥滓出無由。

同前

王損之

積水非澄澈，明珠不易求。
依稀沉極浦，想像在中流。
瞪目思清淺，褰裳恨暗投。
徒看川色媚，空愛夜光浮。
月入疑龍吐，星歸似蚌遊。
終希識珍者，採掇冀冥搜。

暗投明珠

羅泰

媚川時未識在掌共傳名報德能欺暗投人自欲明月
臨幽室朗星沒曉河傾的鱗驪龍頷瑩煌彩鳳呈守恩
辭令浦擅美掩連城魚目應難近誰知按劍情

同前

苑一作詠文又切

至寶欣懷日良茲豈可儔神光非易鑒夜色信難投錯
落珍寰宇圓明隔淺流精靈辭合浦素彩耀神州抱影
希人識承時望帝求誰言按劍者猜忌却生讎

同前

崔藩

至寶

一作萬十

看懷袖明珠出後

疑

况向人光不定離掌勢

難留皎澈虛臨夜孤圓冷瑩秋乍來驚月落疾轉怕星
流有淚其瑕棄無謀自暗投今朝感恩處將欲報隋侯

水懷珠

莫宣卿

長川含媚色波底孕靈珠素魄生蘋末圓規照水隅淪
漣水彩動蕩漾瑞光鋪迥夜星同貫清秋岸不枯江妃
思在掌海客亦忘軀合浦當還日恩威信已敷

琢玉成器

葉季良

片玉寄幽石紛綸當代名
荆人獻始遇良匠琢初成
冰映寒光動虹開晚一作曉
色明雅容看更澈餘響扣彌清
自與瓊瑤比方隨掌握榮因知君有用高價佇連城

玉卮無當

蔣防

美玉常為器茲焉變漏卮
酒漿悲莫挹罇俎念空施
符彩功難補盈虛數已虧
豈唯狐玩好抑亦類瑕疵
清越音雖在操持意漸隳
賦形期大匠良璞勿同斯

同前

元稹

共惜連城寶翻為無當卮詎慙君子貴深訝拙工隳泛
蟻功全少如虹色不移可憐殊礫石何計辨糟醕江海
誠難滿盤筵莫妄施縱乖斟酌意猶得奉光儀

沽美玉

羅立言

誰憐被褐士懷玉正求沽成器終期達逢時豈見誣寶
同珠照乘價重劔論都浮彩朝虹滿懸光夜月孤幾年
淪瓦礫今日出泥塗采斲資良匠無令瑕掩瑜

瑕瑜不相掩

陳中師

出石温然玉瑕瑜素在中妍媸因異彩音韻一作信殊

響

風讓美心方並求疵意本同光華開縝密清潤仰磨礪

秀質非攘善貞姿肯廢忠今來儻成器分別在良工

同前

武翊黃

抱璞應難辨妍媸每自融貞姿偏特達微玷遇磨礪
涓流終異瑕瑜自不同半曾光透石未掩氣如虹縝密
誠為智包藏豈謂忠停疑看分美惡今得值良工

瑜不掩瑕

柴宿

朗玉微瑕在分明異璞瑜堅貞寧可雜美惡自能殊待
價知彌久稱忠定不誣光輝今見黜毫髮外呈符豈假
相工指堪為達士模他山黨前漢伍被傳黨可以微
幸師古曰黨讀作儻磨
琢慕愛是洪鑪

玉水記方流

吳丹

玉泉何處比四折水文浮潤下寧踰矩居方在上流映
空虛碌碌涵白淨悠悠影碎疑衝斗光清耐掩舟珪璋
分辨狀沙礫共懷柔願赴朝宗日縈廻入御溝

同前

鄭俞

積水碁文動因知玉座幽如天涵素色侔地引方流潛
潤滋雲起英華射浪浮魚龍泉不夜草木岸無秋壁沼
寧堪比瑤池詎可儔若非懸可測誰復寄冥搜

同前

白居易

良璞含章久寒泉徹底幽尹孚光泛泛

集作
灑灑

方折浪悠

悠凌亂波紋異縈迴水性柔似風搖淺瀨如

集作
疑

月落

清流潛潁應旁達藏真豈上浮玉人如不記淪棄即十

秋

同前

王鑑

玉潤在中洲光臨碕岸幽氤氲冥瑞影演養度方流乍
似輕漣合還疑駭浪收寅緣知有異洞徹信無儔比德
稱殊賞含輝處至柔沉淪如見念況乃屬時休

同前

杜元頴

重泉生美玉積水異常流如見清堪賞因知寶可幽斗
迴虹氣見磬折紫光浮中矩諧明德同方叶至柔月生

偏共映風暖佇將遊異寶雖無脛逢時願俯收

陳昌言

同前

明媚如懷玉竒姿自託幽白虹深不見綠水折空流方
珎清沙遍縱橫氣色浮類圭才有角寫月讓成鉤久處

沉潛貴希當特達收滔滔在何許揭厲願從游

劉軻

玉聲如樂

玉叩能旋止人言與樂并繁音忽已闕雅韻詘然清珮
想停仙步泉疑咽夜聲曲終無異聽響極有餘情特達

知難擬玲瓏豈易名崑山如可得一片竹為榮

同前

潘存實

表質自堅貞因人一扣鳴靜將金並響妙與樂同聲
杳疑風送泠泠似曲成韻含湘瑟切音帶舜絃清不獨
藏虹氣猶能暢物情后夔如為聽從此振瑤瑤

夏玉有餘聲

管雄甫

夏玉音難盡凝人思轉清依稀流戶牖髮鬢在簷楹更
逐松風起還將澗水并樂中和舊曲天際轉餘聲縹一作

飄緲浮煙遠溫柔入耳輕想如君子佩時得上堂鳴

琢玉

丁居晦

卞玉何時獻初疑尚在荆
琢來聞制器價銜勝連城
虹氣衝天白雲浮入信貞
珮為廉節德杯作侈奢名
露璞方期辨雕文幸既成
他山豈無石寧及此時呈

同前

浩虛舟

已沐識堅貞應憐器未成
輝山方可重散璞乍堪驚
玷滅隳一作隨心正瑕消奪
眼明珠磨虹氣在拂拭水容一作

塵生賞翫冰光冷提携月魄輕佇當一作留親捧握瑚璉

幸齊名

水精環

嚴維

玉室符長慶環中得水精任圓循不極見素質仍貞信
是天然瑞非因璞斲成無瑕勝玉美至潔過冰清未肯
齊珉價寧同雜佩聲能銜任黃雀亦欲應時鳴

亞父碎玉斗

孟簡

獻謀既我違積憤從心悔鴻門入已迫赤帝時潛退寶

位方苦競玉斗何情愛猶看虹氣凝詎惜冰姿碎而嗟
大事返當起千里悔誰為西楚王坐見東城潰

同前

裴次元

類詩作
夷直

雄謀竟不決寶玉將何愛倏爾霜刃揮颯然春冰碎飛
光動旗幟散響驚環珮霜灑繡障前星流錦筵內圖王
業已失為墟言空悔獨有青史中英風觀千載

類詩作
冠千載

同前

何儒亮

羸女昔解網楚王有遺躅破關既定秦碎首聞獻玉貞

姿應刃散清響因風續匪狗切泥功將明懷璧辱莫量
漢祖德空受項君勗事去見前心千秋渭水綠

美玉

南巨川

抱玉將何適良工正在斯有瑕寧自掩匪石幸君知雕
琢嗟成器緇磷志不移飾罇光宴賞入珮奉威儀象德
魯留譽如虹竊可竒終希逢善價還得桂林枝

西戎獻白玉環

張惟儉

當時無外守方物四夷通列土金河北朝天玉塞東自

將荆璞比不與鄭環同正朔雖傳漢衣冠尚帶戎幸承
提佩寵多媿琢磨功絕域知文教爭趨上國風

白珪無玷

辛宏

片玉表堅貞逢時寶自呈色鮮同雪白光潤奪冰清皎
皎無瑕玷鏘鏘有珮聲崑山標重價垂棘振香名抱璞
心常苦全真道未行琢磨忻大匠還冀動連城

金在鎔

白行簡

巨橐方鎔物洪鑪欲範金紫光看漸發赤氣望逾深燄

執晴雲變煙浮晝景陰堅剛由我性鼓鑄任君心踴躍
徒標異沉潛自可欽何當得成器待叩向知音

清如玉壺冰

王維

玉壺何用好偏許素冰居

集作藏冰玉壺
裏水冰類方諸

未共銷丹日

還同照綺踈抱明中不隱含淨外疑虛氣似庭霜積光

含砌月餘曉凌飛鵲鏡宵映聚螢書若向貪夫

集作比
夫君

貞

集作
清

心定不餘

集作
如

同前

盧綸

玉壺水始結循吏政初成既有虛心鑒還如照膽清瑤
池慙洞澈金鏡讓澄明氣若朝霜動形隨夜月盈臨人
能不蔽待物本無情怯對圓光裏妍媸自此呈

玉壺水

潘炎

琰玉性惟堅成壺體更圓虛心含景象應物受寒泉温
潤資天質清貞稟自然日融光乍散雪照色逾鮮至鑒
功寧宰無私照豈偏明將水鏡對白與粉花連拂拭終
為美提携佇見傳勿令毫髮累遺恨鮑公篇

同前

失名

玄律陰風勁，堅冰在玉壺。
暗中花更出，曉後色全無。
涸涸誰能伴，淒淒詎可渝。
任圓空似壁，照物不成珠。
素質情方契，孤明道豈殊。
幽人若相比，還得詠生芻。

同前

王季友

玉壺知素結，止水復中澄。
堅白能虛受，清寒得自凝。
分形同曉鏡，照物掩宵燈。
壁映圓光出，人驚爽氣凌。
金壘何足貴，瑤席幾迴升。
正值求珪瓚，提携共飲冰。

同前

錢象仲

冬律初陰結寒冰貯玉壺霜姿雖異稟虹氣亦相符對
月光宜並臨池影不孤貞堅方共濟同處豈殊途色瑩
連城壁形分照乘珠提携今在此抱素節寧渝

明堂火珠

凌空

類詩作
天中

霜月滿

類詩作
雙月

名都

類詩

作京
都

珠沈於淵

寶契

類詩作
寶素

影似浮

類詩作
彩委塗

光

價憐

類詩作
高價綠

亡情

類詩作
忘情

自為

類詩作
迴與

文苑英華卷一百八十六

欽定四庫全書

文苑英華卷一百八十七 宋 李昉等 編

省試八

秋山極天淨一首 落日山照曜一首

積雪為小山一首 監試蓮花峯一首

謝真人僊駕過舊山二首

宣州試憲中列遠岫一首

登雲梯二首 日暖萬年枝四首

風動萬年枝三首

禁中春松四首

貢院樓北新栽小松四首

尚書都堂瓦松一首

文宣王廟古松一首

幽人折芳桂一首

秋風生桂枝一首

月中桂樹一首

華州試月中桂一首

府試木向榮一首

古木卧平沙一首

竹箭有筠三首

震為蒼筤竹一首

嘉禾合穎二首

秋稼如雲一首

麥穗兩歧一首

餘瑞麥一首

良田無晚歲一首

霜菊二首

月夜梧桐葉上見寒露一首

秋山極天淨

朱延齡

雨洗高秋淨天臨大野閑
葱蘢清萬象繚繞出層山
日落千峯上雲銷萬壑間
綠蘿霜後翠紅葉雨來殷
散彩輝吳甸分形壓楚關
欲尋霄漢路延首願登攀

落日山照曜

失名

徘徊空山下，晚晚殘陽落。圓影過峯巒，半規入林薄。餘光徹羣岫，亂彩分重壑。石鏡共澄明，巖光同照灼。棲禽去杳杳，夕烟生漠漠。此境一作景誰復知，獨懷謝康樂。

積雪為小山

劉慎虛

飛雪伴春還，春庭曉自閒。虛心應任道，遇賞遂成山。峯小形全秀，巖虛勢莫攀。以幽能皎潔，謂近可循環。孤影臨冰鏡，寒光對玉顏。不隨暎日盡，留顧歲華間。

監試蓮花峯

劉得仁

太華萬餘重，岩堯只此峯。
當秋倚寥泬，入望似芙蓉。
翠拔千尋直，青危一朶穠。
氣分毛女秀，靈有羽人蹤。
倒影侵關路，香風集作流香激廟松。
塵埃終不及，車馬自憧憧。

謝真人僊駕過舊山

范傳正

麾蓋從僊府，笙歌入舊山。
水流丹竈缺，風起草堂闕。
白鹿行為衛，青鸞舞自閒。
種松鱗未老，移石蘚仍斑。
望路烟霄外，迴輿嶺岫間。
豈惟遼海鶴，空歎令威還。

同前

夏方慶

何年成道去綽約化童顏天上辭真侶人間憶舊山
桑田今已變蘿蔓一作選尚堪攀雲覆瑤壇淨苔生丹竈閒
逍遙看白石寂寞閉玄關應是悲塵累思將羽駕還

宣州試窻中列遠岫

白居易

天靜秋山好窻開曉翠通遙憐峯窈窕不隔竹蒙籠萬
點當虛室千重疊遠空列簷攢秀氣綠隙助清風碧愛
新晴後明宜反照中宣城郡齋在望與古詩集作時同

登雲梯

殷琮

碧落遠澄澄，青山路可昇。
身輕疑易躡，步獨覺難憑。
灑逸排將近，迴翔勢漸登。
上寧愁屈曲，高更喜超騰。
江樹遙分藹，山嵐宛若凝。
赤城容許到，敢憚百千層。

同前

湯洙

謝客常遊處，層巒枕碧溪。
經過殊俗境，登陟象雲梯。
步勞山屐行，行躡澗霓迴。
臨天路廣覆，眺夕陽低賞。
詠情彌愜風塵事，已睽前脩如可慕。
攄疑作投足固思齊。

日暖萬年枝

蔣防

新陽歸上苑嘉樹獨含妍散漫添和氣曠曠卷曙烟流
輝宜聖日接影貴芳年自與恩光近那關煦嫗偏結根
誠得地表壽願符天誰道陵寒質從茲不曖然

同前

鄭求

旭日升溟海芳枝散曙烟温仁臨樹久煦嫗在條偏陽
德符君惠嘉名表聖年若承恩渥厚常屬棟梁賢生植
雖依地光華只信天不才堪仄陋徒望向榮先

同前

王約

靄靄彤庭裏沉沉玉砌陔初升九華日潛暖萬年枝煦
嫗光偏好青葱色轉宜每因韶景麗長沐惠風吹隱映
當龍闕氛氲隔鳳池朝陽光照處唯有近臣知

同前

鄭師貞

禁樹敷榮早偏將麗日宜光搖連北闕影泛滿南枝得
地方和煦逢時異赫曦葉和盈數積根是永年移霄露
猶殘潤薰風更共吹餘暉誠可託况近鳳凰池

風動萬年枝

韋紆

嘉名標萬祀擢秀出深宮嫩葉含煙藹芳柯振惠風參
差搖翠色綺靡舞晴空氣稟禎祥異榮霑雨露同天年
方未極聖壽比應崇幸列華林裏知殊衆木中

同前

樊陽源

珍木羅前殿乘春任好風振柯方裊裊舒葉乍蒙蒙影
動丹墀上聲傳紫禁中離披偏向日凌亂半分空輕拂
祥煙散低搖翠色同長令占天眷四氣借全功

同前

許稷

瓊樹春偏早，光風處處宜。
曉浮三殿日，暗度萬年枝。
婀娜搖僊禁，繽紛翻映玉池。
含芳煙乍合，拂砌影初移。
為近韶陽煦，皆先衆卉垂。
成陰知可待，不與衆芳隨。

禁中春松

陸贄

類詩作
白行簡

陰陰清禁裏，蒼翠滿春松。
雨露恩偏近，陽和色更一作正。

濃高枝分曉日，靈韻

一作
虛吹

雜宵鐘嵐

一作
香

助鑪烟遠形

疑蓋影重，願符千載

類詩作
千歲

壽不羨五株，封儻得

類詩
作長

得迴天眷，全勝老碧

一作
峯

同前

周存

幾歲含貞節青青紫禁中日華留偃蓋雉尾轉春風不
為繁霜改那將衆木同千條攢翠色百尺澹晴空影密
金莖近花明鳳沼通安知幽澗側獨與散樗叢

同前

員南溟

鬱鬱貞松樹陰陰在紫宸葱龍偏近日青翠更宜春雅
韻風來起輕烟霽後新葉深棲語鶴枝亞拂朝臣全節
長依地陵雲欲致身山苗蔭不得生植荷陶鈞

同前

常沂

映殿松偏好森森列禁中
攢柯霑聖澤踈蓋引皇風
晚色連秦苑春香滿漢宮
操將貞石固材與直臣同
翠影宜青瑣一作織蒼枝秀碧空
還知沐天眷千載更蔥龍

貢院樓北新栽小松

李正封

青蒼初得地華省植來新
尚帶山中色猶含洞裏春
近樓依北戶隱砌淨遊塵
鶴壽應成蓋龍形未有鱗
為梁資大厦封爵耻羸秦
幸此觀光日清風屢得親

同前

白行簡

華省春霜曙樓陰植小松移根依厚地委質別危峯北
戶知猶遠東堂幸見容心堅終待鶴枝嫩未成龍夜影
看仍薄朝嵐色漸濃山苗不可蔭孤直俟秦封

同前

錢衆仲

愛此凌霜操移來獨占春貞心初得地勁節始依人晚
疑月烟猶薄當軒色轉新枝低無宿羽葉靜不留塵每
與芝蘭近常慙雨露均幸因逢顧盼生植及茲辰

同前

吳武陵

拂檻愛貞容移根自遠峯曾經芳

一作已
曾經

草沒終不住

疑

苔封葉少初陵雪鱗生欲化龍乘春濯雨露得地近

垣墉逐吹香微動含烟色漸濃時迴日月照為謝小山
松

尚書都堂瓦松

李 暉

華省祕僊蹤高堂露瓦松葉因春後長花為雨來濃影
混鴛鴦色光含翡翠容天然斯所寄地勢太無從接棟

臨雙闕連甍近九重寧知深澗底霜雪歲兼封

文宣王廟古松

李 冑

列植成均裏分行古廟前陰森非一日蒼翠自何年寒
影煙霜暗晨光枝葉妍近簷陰更靜臨砌色相鮮每愧
聞鐘磬多慙接豆籩更宜教冑子於此學貞堅

幽人折芳桂

失 名

厚地生芳桂遙林聳幹長葉開風裏色花吐月中光曙
鳥啼餘翠幽人愛早芳動時垂露滴攀處拂衣香曲調

聲猶苦孤

一作因

高力自強一枝終是折榮耀在東堂

秋風生桂枝

失名

寒桂秋風動蕭蕭自一枝方將擊林變不假舞松移散
翠幽花落搖青密葉離哀猿驚助裏花露滴爭垂遺韻
連波聚流音萬木隨常聞小山裏逋客最先知

月中桂樹

顧封人

芬馥天邊桂扶踈在月中能齊大椿長不與小山同皎
皎舒華色亭亭麗碧空虧盈寧委露搖落不闕風歲晚

花應發春餘質詎豐無因遂攀賞徒欲望青蔥

華州試月中桂

張喬

與月轉鴻濛扶踈萬古同根非生下土葉不墮秋風每

以類詩作

每向

圓時足還隨缺處空影高羣木外香滿一輪

中未種丹霄日應虛玉

一作白

兔宮如何當

一作何當因

羽化

細得問玄功

府試木向榮

鄭谷

園林青氣動衆木散寒聲敗葉墻陰在滋條雪後榮忻

忻春今早藹藹日華輕
庚嶺梅先覺隋堤柳暗驚
山川應物候臯壤起農情
祇待花開日連棲出谷鶯

古木卧平沙

王冷然

古木卧平沙摧殘歲月賒
有根橫水石無葉拂煙霞
春至苔為葉冬來雪作花
不逢星漢使誰辨是靈槎

竹箭有筠

李程

常愛凌寒竹堅貞可喻人
能將先進禮義與後彫隣
冉冉猶全節青青尚有筠
陶鈞二儀內柯葉四時春
待鳳

花仍吐停霜色更新方持不易操對此欲觀身

同前

席 夔

共愛東南美青青歎有筠貞姿衆木異秀色四時均枝
葉當無改風霜豈憚頰虛心如待物勁節自留春鮮潤
期棲鳳嬋娟可並人可憐初籜卷粉澤更宜新

同前

張仲方

東南生綠竹獨美有筠箭枝葉詎曾凋風霜孰云變偏
宜林表秀多向歲寒見碧色乍蔥蘢青光常精練皮開

鳳彩出節勁龍文見愛此守堅貞含歌屬時彥

震為蒼筤竹

朱慶餘

為擢東方秀蕭

集作脩

然異衆筠青葱纔映粉蒙密正含

春嫩籜霑微雨幽根絕細塵乍憐分徑小偏覺帶烟新

結實皆留鳳垂陰似庇人願為竿在手深水釣

集作掛

頽

鱗

嘉禾合頽

孟簡

玉燭將成歲封人亦自歌八方霑聖澤異畝發嘉禾共

秀芳何遠連莖瑞且多
穎低甘露滴影亂
惠風過表稔
由神化為祥識氣和
因知興嗣歲王道舊無頗

同前

失名

天祚皇王德神呈瑞穀嘉感時苗特

一作自

秀證道葉方

華氣轉騰佳色雲披映
早霞薰風浮合穎
湛露淨祥花
六穗垂蕪倒孤莖
娟復斜影疑
同唐叔獻稱慶比周家

秋稼如雲

蔣防

肆目如雲處三田大有秋
慈龍初滿野

類詩作
蔽野

散漫正

盈疇稍混從龍勢寧同觸石幽紫芒分晷晷青野

類詩作清

夜澹油油始愜倉箱望終無減裂憂西成知不遠雨露

復何酬

麥穗兩岐

鄭畋

聖慮憂千畝嘉苗薦兩岐如雲方表盛成穗忽標竒瑞
露縱橫滴祥風左右吹謳謠連上苑花日遍平陂

一作岐

史冊書堪重丹青畫更宜願依連理樹俱作萬年枝

餘瑞麥

張聿

瑞麥生堯日
茫茫雨露偏
兩岐分更合
異畝穎仍連
冀獲明王慶
寧唯太守賢
仁風吹靡靡
甘雨長芊芊
聖德應多稔
皇家配有年
已聞天下泰
誰為濟西田

良田無晚歲

丁澤

人功雖未及
地力信非常
不任耕耘早
偏宜黍稷良
無年皆有獲
後種亦先芳
憮憮疑盈千畝
青青保萬箱
何須祭田祖
詎要察農祥
况是春三月
和風日又長

霜菊

席夔

時令忽已變行看被霜菊可憐後時秀當此凜風肅淅
瀝翠枝翻淒清金蘂馥凝姿節堪重登艷景非淑寧祛
青女威願盈君子掬持來泛罇酒永以照幽獨

同前

失名

秋盡北風去律移寒氣肅淅瀝降繁霜離披委殘菊華
滋尚照灼幽氣含紛郁的的冒空園萋萋被幽谷騷人
有遺詠陶令曾盈掬儻使懷袖中猶堪襲餘馥

月夜梧桐葉上見寒露

戴察

蕭疎桐葉上月白露初團滴瀝珠疑光滿熒煌素彩寒

風搖愁玉墜枝動惜珠乾氣冷初疑秋晚聲微覺夜闌

凝空流欲遍潤物淨宜看莫厭窺臨倦將晞聚更難

文苑英華卷一百八十七

欽定四庫全書

文苑英華卷一百八十八 宋 李昉等 編

省試九

州府
試附

花發上林六首

曲江亭望慈恩寺杏園花發四首

金谷園花發懷古三首 芙蓉出水二首

華林園早梅一首 潘安仁戴星看河陽花發一首

宮池產瑞蓮一首 小苑春望宮池柳色十首

御溝新柳六首

原隰萋綠柳一首

御園芳草一首

龍池春草三首

方士進恒春草一首

禮闈階前春草生一首

春草凝露一首

春草碧色二首

生芻一束二首

花發上林

獨孤授

上苑韶容早芳菲
正吐花無言向春日
間笑任年華潤
色籠輕靄晴光艷
晚霞影連千戶竹
香散萬人家
幸遶

樓臺近仍懷雨露賒願君垂採摘不使落風沙

同前

周渭

灼灼花凝雪春來發上林向風初散葉垂葉欲成陰人
過香隨遠煙晴色自深淨時空結霧踈處未藏禽葦茸
何年植間闕幾日吟一枝如可冀不負折芳心

同前

竇常

上苑曉沉沉花枝亂綴陰色浮雙闕近春入九門深向
暖風初扇餘寒雪尚侵艷迴秦女目愁處越人心繞繞

時紫蝶闐闐乍引禽寧知幽谷羽一舉欲依林

同前

王表

上苑春何早繁花已滿林笑迎明主仗香拂美人簪地
接樓臺近天垂雨露深晴光來戲蝶夕影動棲禽欲託
凌雲勢先開捧日心當知桃李樹從此必成陰

同前

王儲

東陸和風至先開上苑花穠枝藏宿鳥香藥拂行車散
白憐晴日舒紅愛晚霞桃間留御馬梅處入胡笳城郭

連增媚樓臺映轉華豈同幽谷草春至發猶除

同前

失名

花發三陽盛香飄五柞深素暉雲積苑紅彩繡張林落
水隨魚戲搖風映鳥吟瓊樓出高艷玉輦駐濃陰亂蝶
枝開影繁蜂藥上音鮮芳盈禁籞布澤荷天心

曲江亭望慈恩寺杏園花發

李君何

春晴凭水軒僊杏發南園開藥風初曉浮香景欲暄光
華臨御陌色相對空門野雪遙添淨山煙近借繁地閒

分禁一作鹿苑景勝類桃源况值新晴日芳枝度彩鴛

同前

周宏亮

江亭閒望處遠近見秦源古寺遲春景新花發杏園華
中輕藥密枝上素姿繁拂雨雲初起含風雪欲翻容輝
明十地香氣遍千門願莫隨桃李芳菲不為言

同前

曹著

渚亭臨淨域憑望一開軒晚日分初地東風發杏園異
香飄九陌麗色映千門照灼瑤華散葳蕤玉露繁未教

遊妓折乍聽早鶯喧誰復爭桃李含芳自不言

同前

陳翥

曲池晴望好近接梵王家十畝開金地千林發杏花映
雲猶誤雪照日欲成霞紫陌傳香遠紅泉落影斜園中
春尚早亭上路非賒芳景堪遊處其如惜物華

金谷園花發懷古

王質

寂寥金谷澗花發舊時園人事空懷古烟霞此獨存管
絃非上客歌舞少王孫繁榮風驚散輕紅鳥乍翻山川

終不改桃李自無言今日經塵路淒涼詎可論

同前

張公乂

今日春風至花開石氏園未全紅艷折半與素光翻點
綴踈林遍微明古徑繁窺臨鶯欲語寂寞李無言谷變
迷鋪錦臺餘認樹萱川流人事共一作近千載竟誰論

同前

失名

春風生梓澤避景映花林欲問當時事因傷此日心繁
華人已歿桃李意何深澗咽歌聲在雲歸蓋影沉地形

同萬古笑價失千金遺跡應無限芳菲不可尋

芙蓉出水

陳至

菡萏迎秋吐天搖映水濱
劒芒開寶匣峯影寫蒲津
下照參差荇高辭苒弱蘋
自當巢翠甲非止戲頰鱗
莫以時先後而言色故新
芳香正堪翫誰報涉江人

同前

賈暮

的皜舒芳艷紅姿映綠蘋
搖風開細浪出沼媚清晨
翻影初迎日流香暗襲人
獨披千葉淺不競百花春
魚戲

參差動龜遊次第新涉江如可採從此免迷津

華林園早梅

鄭述誠

曉日東樓路林端見早梅獨凌寒氣發不逐衆花開素

彩風前艷韶光雪後催藥香霑

一作
繁香

紫陌枝亞拂青苔

止渴曾為用和羹舊有才含情欲攀折瞻望幾徘徊

潘安仁戴星看河陽花發

呂敞

行春潘令至勤恤戴星光為政宵忘寢臨人俗冀康曉
花迎徑發新藥滿城香秀色霑輕露鮮輝麗早陽津橋

見來往空霧拂衣裳桃李今無數從茲願比方

宮池產瑞蓮

帖經
日試

王貞白

雨露及萬物嘉祥有瑞蓮香飄鷄樹近榮占鳳池先聖
日臨雙麗恩波照並妍願同指佞草生向帝堯前

小苑春望宮池柳色

張 昔

小苑春初至皇衢日更清遙分萬條柳廻出九重城隱
映龍池潤參差鳳闕明影宜宮雪曙色帶禁烟晴深淺
殘陽變高低曉吹輕年光正堪折欲寄一枝榮

同前

蔡逢

上宮新柳變小苑暮天晴始見和煙密遙憐拂水輕色
乘陽氣重陰助御樓清不厭隨風嫋仍宜向日明客中
愁一作客
愁觀美景池上仰光榮漸到依依處思聞出谷鶯

同前

丁位

小苑宜春望宮池柳色輕低昂含曉景縈轉帶新晴似
蓋芳初合如絛蔭漸成依依連水暗嫋嫋出牆明雖以
陽和發能令旅思生他時花滿路從此接遷鶯

同前

元友直

柳色新池遍春光御苑晴葉依青閣密條向碧流傾路
暗陰初重波搖影轉清風從垂處度煙就望中生斷續
遊蜂聚飄飄戲蝶輕怡然變芳節願及一枝榮

同前

楊 系

勝遊從小苑宮柳望春晴拂地青絲嫩縈風綠帶輕光
含煙色遠影透水文清玉笛吟何得金閨畫豈成皇風
吹欲斷聖日映逾明願駐高枝上還同出谷鶯

同前

楊凌

上苑門遊早東風柳色輕
儲胥遙掩映池水隔微明
春至條偏弱寒餘葉未成
和煙變濃澹轉日異陰晴
不獨芳非好還因雨露榮
行人望攀折遠翠暮愁生

同前

崔績

帝京春氣早御柳已先榮
嫩葉隨風散浮光向日明
悠揚生別意斷續引芳聲
積翠連馳道飄花出禁城
柔條依水弱遠色帶煙輕
南望龍池畔斜光照晚晴

同前

裴達

勝遊經小苑，閒望上春城。
御路韶光發，宮池柳色輕。
乍濃含雨潤，微澹帶雲一作烟晴。
暮歷殘煙歛，搖揚落照明。

幾條垂廣殿，數樹影高旌。
獨有風塵客，思同雨露榮。

同前

張季略

韶光歸漢苑，柳色發春城。
半見離宮出，纔分遠水明。
青蔥當淑景，隱映媚新晴。
積翠煙初合，微黃葉未生。
迎春看尚嫩，照日見先榮。
儻得辭幽谷，高枝寄一名。

同前

沈廻

今來遊上苑春染柳條輕濯濯方含色依依若有情分
行臨曲沼先發媚重城拂水枝偏弱搖風絲已生變黃
隨淑景吐翠逐新晴佇立徒延首徘徊欲寄誠

御溝新柳

賈稜

御苑陽和早章溝柳色新託根偏近日布葉乍迎春秀
質方含翠清陰欲庇人輕煙度斜景多露滴行塵裏
堪離贈依依獨望頰王孫如可賞攀折在芳辰

同前

陳羽

宛宛如絲柳含黃一望新未成溝上暗且向日邊春
娟娜方遮水低迷欲醉人託空芳鬱鬱逐溜影鱗鱗弄色
滋宵露垂枝染夕塵夾堤連太液還似映天津

同前

歐陽詹

東風韶景至垂柳御溝新媚作十門秀連為一道春柔
萋生女指嫩葉長龍鱗舞絮迴青岸輕烟拂綠蘋玉孫
初命賞佳客幾集作傷神芳意能集作相贈一枝先遠

欲

堪

人

同前

馮宿

夾道天渠遠垂絲御柳新千條宜向日萬戶共迎春輕
翠含煙發微音逐吹頻靜看思渡口迴望憶江濱裊裊
分遊騎依依駐旅人陽和如可及攀折在茲辰

同前

李

觀集無

御溝迴廣陌芳柳對行人翠色枝枝滿年光樹樹新畏
逢攀折客愁見別離辰近映章臺騎遙分禁苑春嫩陰

初覆水高影漸離塵莫入羗人笛還令淚濕巾

同前

劉遵古

韶光先禁柳幾處覆溝新映水疑分翠含煙欲占春悠
悠遲日曉裊裊好風頻吐節茸猶嫩通條澤稍均遠和
瑤草色暗拂玉樓塵願假騫飛便歸棲及此辰

原隰萋綠柳

溫庭筠

集無

迴野韶光早晴川柳滿

一作映柳

堤拂塵生嫩綠披雪見柔

萋碧玉芽猶短黃金縷未齊腰支弄寒吹眉意入春閨

預恐狂夫折迎牽逸客迷新鷺將出谷應借一枝棲

御園芳草

陸贄

集無

陰陰御園裏瑤草日光長
霍靡含煙霧依稀帶夕陽
雨餘萋更密風暖蕙初香
擁妓緣馳道乘輿入建章
濕煙搔不散細影亂無行
恒恐韶光晚何人辨早芳

龍池春草

陳翊

一作
翊

青春光鳳苑細草遍龍池
曲渚交蘋葉迴塘惹柳枝
因風初冉冉覆岸欲離離
色帶金堤靜陰連玉樹移
日光

浮藿靡波影動參差豈比生幽遠芳馨衆不知

同前

宋迪

鳳闕韶光遍龍池草色勻煙波全讓綠堤柳不爭新翻
葉迎紅日飄香借白蘋幽姿偏占暮芳意欲留春已勝
生金埒長思藉玉輪翠華如見幸正好及茲辰

同前

萬侯造

暖積龍池綠晴連御苑春迎風莖未偃裛露色猶新苒
苒分堦砌離離雜荇蘋細叢依遠渚踈影落輕綸遲引

紫花蝶偏宜拾翠人那憐獻賦者惆悵惜茲辰

方士進恒春草

梁 鍠

東吳有靈草生彼剡谿傍既亂莓苔色仍連菡萏香
撮之稱遠士持以奉明王北闕顏彌駐南山壽更長
金膏從騁妙石髓莫矜良儻使霑涓滴還遊不死方

禮闈階前春草生

失 名

河畔雖同色南宮淑景先微開曳履處常對講經前
得地風塵隔依林雨露偏已逢霜候改初寄日華妍
影與

叢蘭雜榮將衆卉連哲人如不難生意在芳年

春草凝露

張友正

蒼蒼芳草色含露對青春已賴陽和長仍慙潤澤頻日
臨殘未滴風度欲成津蕙葉垂偏重蘭叢洗轉新將行
愁裏遲欲采畏濡身獨愛池塘畔清華遠襲人

春草碧色

殷文圭

細草含愁碧芊綿南浦濱萋萋如恨別冉冉共傷春踈
雨煙華潤斜陽細彩勻花黏繁關錦人藉軟勝茵淺映

宮池水輕遮輦路塵杜回如可結誓作報恩身

同前

王穀

習習東風扇萋萋草色新淺深千里碧高下一時春嫩
葉舒煙際微香動水濱金塘明夕照輦路惹芳塵造化
功何廣陽和力自均今當發生日瀝懇祝良辰

生芻一束

于結

比玉人應重為芻物自輕向風傾弱葉衰露示纖莖
蒨
練宜春景芊綿對雨情每慙蘋藻用多謝蒞蘭榮孺子

才雖遠公孫策未行諮詢

一作
詢謀

如不棄終冀及微生

同前

鄭孺華

孫宏期射策長倩贈生芻至潔心將比忘憂道不孤芝
蘭方入室蕭艾莫同途馥馥香猶在青青色更殊芳寧
九春歇薰豈十年無葑菲如堪採山苗自可逾

文苑英華卷一百八十八

欽定四庫全書

文苑英華卷一百八十九

宋 李昉等 編

省試十

州府
試附

至人無夢一首

人不易知二首

行不由徑四首

言行相顧一首

求自試一首

天門街西觀榮王聘妃二首

太社觀獻捷一首

觀劍南獻捷一首

河中獻捷一首

送薛大夫和蕃二首

吳宮教戰二首

李太尉重陽日得蕪屬國書一首

題杜賓客新豐里幽居一首

石季倫金谷園一首

仲秋太常寺觀公輅車拜陵一首

早春送郎官出宰一首

武德殿朝退望九衢春色一首

金莖一首

錦帶佩吳鉤一首

雲母屏風隔坐一首

觀淬龍泉劍一首

青出於藍二首

白受采一首

晦日同志昆明池泛舟二首

上巳連清明遊宴一首 登聖善寺閣望龍門一首

上元日聽太清宮步虛一首

府試中元觀道流步虛一首

河南府試鄉飲酒一首 京兆府試目極千里一首

國學試風化下一首

府試古鏡一首

秦鏡二首

監試夜雨滴空堦一首

江陵府試澄心如水一首

至人無夢

蔣防

已曠布微理知將靜默隣坐忘寧有夢跡滅示凝神化

蝶誠知一作知成幻徵蘭匪契真抱玄雖解帶守一自離塵

寥朗壺中曉虛明洞裏春條然碧霞客那比漆園人

人不易知

鄭昉

如面誠非一深心豈易知入秦書十上投楚歲三移和
玉翻為泣齊竽或濫吹周行雖有寘殷鑒在前規寅亮
推多士清通固賞竒病諸方號哲敢相反成疵冬日承
餘愛霜雲喜暫披無令見瞻後迴照復云疲

同前

失名

權衡諒匪易愚智信難移九德皆殊進三端豈易施同
稱崑岫寶共握桂林枝鄭鼠今奚別齊竽或濫吹瑤臺
有光鑑屢照不應疲片善當無掩先鳴貴在斯龍門峻

且極驥足庶來馳太息李元禮期君幸一知

行不由徑

孟封

類詩作
蕭斯

欲速竟何成康莊亦砥平天衢皆利往吾道本方行不
復由蓬徑無因訪蔣生三條遵廣道九軌尚安貞紫陌
悠悠去芳塵步步清澹臺十載後公道有遺名

同前

王炎

類詩作
庚承宣

邪徑趨时捷端心惡此名長衢貴高步大路自規行且
慮類詩作
且避縈紆僻將求坦蕩情詎同流俗好方保立身

貞遠跡如逢險脩仁在履平始知夫子道從此得堅誠

同前

張籍

田裏有微徑賢人不復行孰知趨

集作熟
知求

捷步惟

集作
又

恐異端成從易衆所欲安邪患亦生誰能違大路

集作
遠大

道共此競前程子羽有遺跡孔門傳舊聲今逢大君子

士節再

集作
自

應明

同前

俞簡

古人心有尚乃是孔門生為計安貧樂當從大道行詎

應流遠迹方欲料前程捷徑雖云易長衢豈不平後來
無枉路先達擅前名一示遵途意微衷益自精

言行相顧

吳叔達

聖人垂政教萬古請常傳立志言為本脩身行乃先相
須寧得闕相顧在無偏榮辱當於已忠貞必動天大名
如副寶至道亦通玄千里猶能應何云邇者焉

同前

孟翱

將使言堪復常聞行欲先比珪斯不玷脩己直如絃跬

步非全進吹噓稟自然當令夫子察無宿仲由賢正遇
興邦際因懷入曙年坐知清監下相顧有人焉

求自試

竇常

僊禁祥雲合高梧彩鳳遊沉冥求自試通鑑果蒙收文
墨悲無位詩書誤白頭陳王抗表日毛遂請行秋雙劍
魯埋獄司空問斗牛希垂拂拭惠感激願相投

天門街西觀滎王聘妃

張光朝

僊媛來朱邨名王出紫微三周初展義百兩遂言歸鄭

國通梁苑天津接帝畿橋成烏鵲助蓋轉鳳凰飛霜仗
迎秋色星缸滿夜暉從茲磐石固應為得賢妃

同前

張鉉

帝子乘龍夜三星照戶前兩行宮火出十里道鋪筵羅
綺明中識簫韶暗裏傳燈攢九華扇帳撒五銖錢交頸
文鴛合和鳴彩鳳連欲知來日美雙拜紫微天

太社觀獻

入翰林試以
功字為韻

白居易

淮海妖氛滅乾坤喜氣通班師郊社內操袂凱歌中廟

筭無遺策天兵不戰功小臣同鳥獸率舞向皇風

觀劔南獻捷

失名

遐圻新破虜名將應

一作舊

登壇戎首西南至旣裘長幼

觀邊疆氛已息矛戟血猶殘紫陌歡聲動丹墀喜氣盤
唐虞方德易衛霍比功難共覩俘囚入賡歌萬國安

河中獻捷

梁隨

叛將忘恩久王師不戰通凱歌千里內喜氣二儀中
寇盡條山下兵迴漢苑東將軍初執訊明主欲論功落日

烟塵靜寒郊壁壘空蒼生幸無事自此樂堯風

送薛大夫和蕃

孫 願

亞相獨推賢乘軺向遠邊一心傾漢日萬里望胡天忠
信皇恩重要荒聖德傳戎人方屈膝塞月復嬋娟別思
流鶯晚歸朝候鴈先當書外垣傳迴奏赤墀前

同前

失 名

戎王歸漢命魏絳諭皇恩旌旆辭雙闕風沙上五原往
途遵塞道出祖耀都門策令天文盛宣威使者尊澄波

看四海人貢竹諸蕃秋杪迎回驛無勞枉夢魂

吳宮教戰

吳

秘

類詩作
顏聚

客獻陳兵計功成欲霸吳玉顏承將略金殿賜軍符轉
旆風雲暗鳴輦錦繡趨雪花頰落粉香汗盡流珠掩笑
誰干令嚴師必用誅至今孫子法猶可靜邊隅

同前

林

藻

類詩作
葉季良

強吳矜霸略講武在深宮盡出嬌娥輩先觀上將風揮
戈羅袖卷探甲汗裝紅輕一作掩笑分旗下含羞入隊中

鼓停行未整刑舉令方崇自可威隣國何勞騁戰功

李太尉重陽日得蘇屬國書 白行簡

降虜意何如窮荒九月初三秋異鄉節一紙故人書對
酒情無極開緘思有餘感時空寂寞懷舊幾躊躇鴈盡
平沙迥烟銷大漠虛迴頭向南望掩淚對雙魚

題杜賓客新豐里幽居 蔣防

退迹依三逕辭榮繼二疎聖情容解印帝里許懸車已
去龍樓籍猶分御廩儲風泉輸耳目松竹助玄虛調護

心常在山林意有餘應嗤紫芝客遠就白雲居

石季倫金谷園

許堯佐

石氏遺文在淒涼見故園輕風思奏樂衰草憶行軒舞
榭荒苔掩歌臺墜葉繁斷雲歸舊壑流水咽清源曲渚
殘虹歛藪篁宿鳥喧空餘林上月長似對金罇

同前

李君房

梓澤風流地淒涼跡尚存殘芳迷妓女衰草憶王孫舞
態隨人謝歌聲寄鳥言池平森灌木月落吊空園流水

悲難駐浮雲影自翻
賓階餘蘚石車馬詎喧喧

仲秋太常寺觀公輅車拜陵
苗重芳

南呂初開律金風已戒涼
拜陵將展敬車輅儼成行
士庶觀祠禮公卿習舊章
郊原佳氣引園寢瑞烟長
鹵簿辭丹闕威儀列太常
聖心何所寄惟德正無忘

早春送郎官出宰

張隨

僊郎今出宰聖主下憂民
紫陌軒車送丹墀雨露新
趨程猶犯雪行縣正逢春
粉署時迴首銅章已在身
鳴琴

化欲展起草戀空頰今日都門外悠悠別漢臣

武德殿朝退望九衢春色
曹松

玉殿朝初退天街一看

類詩作一望

春南山初過雨北闕淨

無塵夾道夭桃滿連溝御柳新蘇舒同舜澤煦嫗並堯

仁佳氣浮軒蓋和風襲摺紳自茲憐萬

類詩作知萬

物同入

發生辰

金莖

徐敞

武帝貴長生延年餌玉英銅盤貯珠露僊掌抗金莖拂

曙氛埃欽凌空沆瀣清
岩堯捧瑞氣龍從出宮城
勢入浮雲聳形標霽色明
大君當御宇何必去蓬瀛

錦帶佩吳鉤

張友正

帶劍誰家子春朝紫陌遊
結邊霞聚錦懸處月隨鉤
綵縵文出雄芒練影浮
葉依花裏艷霜向鏢中秋
的皜宜驄馬爛熳映綺裘
應須待報國一刎月支頭

雲母屏風隔坐

失名

彩障成雲母丹墀隔上公
才彰二紀盛榮播一朝同近

玉初齊白臨花乍散紅凝姿分縹緲轉珮辨玲瓏意愜
恩偏厚名新寵更崇誰知歷千古猶自仰清風

觀淬龍泉劍

裴夷直

歐冶將成器風胡幸見逢發硎思剗玉投水化為龍詎

肯藏深

類詩作
深藏

匣終期用剗鐘蓮華生寶鏹秋日勵霜

鋒鍊質纔三尺吹毛過百重聲

一作
擊

磨如不倦提握願

長從

類詩作決雲今得
便提出剪姦凶

青出藍

王季文

芳藍滋足帛人力半天經浸潤加新氣光輝勝本青還
同水出水不共草為螢翻覆依襟上偏知造化靈

同前

呂溫

物有無窮好藍青更

集作
又

出青硃研方比德白受始成

形袍襲宜從政衿垂可問經當年

集作
時

不採擷佳色幾

飄零

白受米

失名

晶晶金方色遷移妙不窮輕衣塵跡化淨壁績文通沙

變藍溪漬水渝墨沼空似甘言受和由禮學資忠皎潔
形無定玄黃用莫同素心如可教願染古人風

晦日同志昆明池泛舟

朱餘慶

故人同泛處遠色望中明靜見砂痕露微思月魄生周
迴餘雪在浩渺暮雲平戲鳥隨蘭棹空波盪石鯨劫灰
難問理島樹偶知名自省曾遊雜詠
作追賞無如此日情

同前

失名

靈沼疑河漢蕭條見斗牛煙生知岸近水淨覺天秋落

月低前樹清輝滿去舟興因孤嶼起心為白蘋留曉吹
兼漁唱閒雲伴客愁龍津如可上長嘯且乘流

上巳連

雜詠
作接

清明遊宴

獨孤良弼

上巳觀初罷清明賞又追閏年侵舊曆令節併芳時細
雨鶯飛重春風酒醒遲翫花迷白雪看柳折青絲淑氣
如相待天和竟為誰却

雜詠
作呼

嗟名未立空詠宴遊詩

登聖善寺閣望龍門

成嶠

高閣聊登望遙分禹鑿門剎連多寶塔樹滿給孤園香

境超三界清流振陸渾報慈弘孝理行道得真源空淨
祥煙霽時光愛日溫願從初地起長奉下生尊

上元日聽太清宮步虛

張仲素

僊客開金籙元辰會玉京靈歌賓紫府雅韻出層城磬
雜音徐一作餘徹風飄響更清紆餘空外盡斷續聽中生
舞鶴紛將集流雲住未行誰知九陌上塵俗仰遺聲

府試中元觀道流步虛

殷堯恭

玄都開秘籙白石禮先生上界秋光靜中元夜景清星

辰朝帝處鸞鶴步虛聲玉洞花長發珠宮月最明掃壇
天地肅投簡鬼神驚儻賜刀圭藥還成不死名

河南府試鄉飲酒

呂

溫

見集本

酌言雖舊典刈楚始登堂百拜賓儀盡三終樂奏長想
同鷲出谷看似鴈成行禮罷知何適隨雲入帝鄉

京兆府試目極千里

劉得仁

獻賦多年客低眉恨且千此心常鬱矣縱目忽超然送
驥登長路看鴻入遠天古墟烟暮暮窮野草綿綿樹與

金城接山疑桂水連何當開霽日無物翳平川

國學試風化下

薛能

霽闕露宮崇含生仰聖聰英明高比日聲教下如風靜
發宸居內低來品物中南薰歌自溥北極響皆通蘋末
看無狀人間覺有功因令委泥者覩此忘途窮

府試古鏡

失名

舊是秦時鏡今來古匣中龍盤初挂月鳳舞欲生風石
黛曾留殿朱光適在宮應祥知道泰監物覺神通肝膽

誠難隱妍媸信易窮幸居君子室長願免塵蒙

秦鏡

仲子陵

萬古秦時鏡從來抱至精依臺月自吐在匣水常清
爛金光發澄澄物象生雲天皆洞鑿表裏盡虛明但見
人窺膽全勝響應聲妍媸定可識何處更逃情

同前

張佐

樓上秦時鏡千秋獨有名菱花寒不落冰質夏長清
龍在形難掩人來膽易呈昇臺宜遠照開匣乍藏明皎色

新磨出圓規舊鑄成
愁容如可鑒常欲拂塵纓

監試夜雨滴空階

喻 鳧

霎霎復淒淒飄松又灑槐
氣濛蛛網檻聲疊蘇花堦
古壁青燈動深庭濕葉埋
徐垂舊鴛瓦競歷小茅齋
冷與陰蟲間清將玉漏諧
病身唯展轉誰見此時懷

江陵府初試澄心如水

盧 肇

丹心何所喻唯

集作
為

水並清虛莫測千尋底
難知一勾


初內明非有物上善本無魚
澹泊隨高下波瀾逐卷舒

養蒙方浩浩出險

集作海

每徐徐若灌情田裏常流盡不

如



文苑英華卷一百八十九

欽定四庫全書

集部

文苑英華卷一百九十二

九十二

詳校官太僕寺少卿臣李廷欽

助教臣常循覆勘

總校官進士臣朱 鈐

校對官中書臣高 中

謄錄監生臣官懋珩

欽定四庫全書

文苑英華卷一百九十

宋 李昉等 編

朝省一

趨朝四十八首

寓直十六首

趨朝

守東華開門

一作守東平
中華門開

梁簡文帝

脂車向馳道總轡息東

一作
中華

華落闕猶待漏交

一作
文 戟

未通車薄雲初啓雨曙色始成霞
暫流鋪紫若城風泛

橋花弦誦終無取願已自懷嗟
一作皆藝文類聚

早朝車中聽望

何遜

詰旦鍾聲罷隱隱禁門通
遽車響北闕鄭履入南宮宿

霜間

類聚作霧開

馳道初日照相風骨徒紛絡
繹

類聚作騶御

或西東

入朝守開門

王褒

直城

類聚作鳳池

通複道嚴駕早凌晨鐵符行
警曙銀燄未

開闡塹暗城無影晴新路不塵
屯兵引畫劔騎吹動班

輪徒知仰睿藻抽辭慙

類聚作殊

未申

答王筠早朝守建陽門開江總

金兔猶懸魄銅龍欲啓扉
三條息行火百雉照初暉
御溝槐影出仙掌露光晞

奉和從叔光祿愔元日早朝

李元操

見雜詠

銅渾變春節玉律動年仄
曖曖成霞旦隱隱禁門開
衆靈湊仙府百神朝帝臺
葉令雙鳧至梁王駟馬來
戈鋌映林闕歌管沸塵埃
保章望瑞氣尚書滅火災
冠冕多

秀士簪裾饒上才誰憐張仲蔚日暮返蒿萊

賦得謁帝承明廬

江

總見初學記

霧開仁壽殿雲曉承明廬輪停紺幟引馬度紅塵餘香
貂拜黻袞花綬拂玄除謁帝升清漢何殊入紫虛

正日臨朝

唐太宗

見初學記

條風開獻節灰律動初陽百蠻奉遐賫萬國朝未央雖
無舜禹跡幸欣天地康車軌同八表書文混四方赫奕
儼冠蓋紛綸盛服章羽旄飛馳道鐘鼓震巖廊組練暉

霞色霜戟照朝光
晨宵懷至理終愧撫遐荒

奉和正日臨朝

魏

徵

見雜
詠

百靈侍軒后萬國會塗山
豈如今睿哲邁古獨光前
聲教溢四海朝宗引百川
鏘洋鳴玉珮灼爍耀金蟬
淑景輝雕輦高旌揚翠煙
庭實超王會廣樂盛鈞天
既欣東戶日復詠南風
篇願奉光華慶從斯萬億年

同前

顏師古

七政璿衡始三元寶曆新
負辰延百辟垂旒御九賓
肅

肅皆鷓鴣濟濟盛纓

初學記
作蕃

紳天涯致重

雜詠
作重致

譯日

域獻奇珍

同前

岑文本

見雜
詠

時雍表昌運日正叶靈符德兼三代禮功包四海圖踰
沙紛在列執玉儼相趨清蹕喧輦道張樂駭天衢拂蚺
九旗映儀鳳八音殊佳氣浮仙掌薰風繞帝裾天文光
七政皇恩被九區方陪瘞玉禮珥筆岱山隅

同前

李百藥

化歷昭唐典承天順夏正百靈警朝禁三辰揚旆旌充
庭富禮樂高宴齒簪纓獻壽符萬歲移風韻九成

凌晨早朝

虞世南

萬戶宵光曙重簷夕霧收玉花停夜燭金壺送曉籌日
暉青瑣殿霞生結綺樓重門應啟路通籍引王侯

同潘屯田冬早朝

張文琮

假寐懷古人夙興瞻曉月通晨禁門啓冠蓋趨朝謁霜
靄清九衢霞光照雙闕紛綸文物紀煥爛聲明發腰劍

動陸離鳴玉和清越

春晚看羣公朝還人馬八韻 陳子良

遊子惜春暮策杖出蒿萊正值康莊晚羣公謁帝迴履
度南宮至車從北闕來珂影呵疑明月笳聲動落梅迎
風采眊轉照日綬花開紅塵掩鶴蓋翠柳拂龍媒綺雲
臨舞閣丹霞薄吹臺輕肥寧所羨未若反山隈

早朝

韋元旦

震維方月季宸極衆星尊珮玉朝三陛鳴珂度九門挈

壺分早漏伏檻耀初暎北倚蒼龍闕西臨紫鳳垣詞庭
草欲奏溫室樹無言鮮翰空為忝長懷聖主恩

同前

鄭愔

瑞闕龍車峻宸庭鳳掖深才良寄天綍趨拜侶朝簪飛
鳥看來影喧車識駐音重軒輕霧入洞戶落花侵聞有
題新翰依然想舊林同聲慙下玉謬此託常金

同前

徐彥伯

夕轉清壺漏晨驚長樂鐘逶迤綸禁客假寐守銅龍予

亦趨三殿肩隨謁九重繁琦疑接曙響華劍此春容相

問苔

一作韶

光歇彌憐芳意濃願言乘日盱携手即雲從

同前

集作同常
舍人早朝

沈佺期

閭闔連雲起巖廊拂霧開玉珂龍影度珠履鴈行來長

樂宵鐘盡明光曉奏催一經推

集作傳

舊德五字選

集作推

英才儼若神仙去紛從霄漢迴客人朝與夕

集作十春
奉休厯

分禁喜趨陪

和崔正諫登秋日早朝

前人

鷄鳴朝謁滿白露

集作露白

禁門秋爽氣臨旌戟朝光映冕

旒河宗來獻寶天子命焚裘獨負池

集作津

陽議言從建

禮遊

敬和崔尚書大明朝堂雨後終南山見示之作

蘇頲

奕奕軒車至清晨朝未央未央在霄極中路視咸陽委
曲漢京近周迴秦塞長日華動涇渭天翠合岐梁五丈
旌旗色百層粉一作松非棹光東連歸馬地南指關鷄場晴

壑照金祀秋雲含璧璫由余窺霸國蕭相奉興王功後
隱不見頌聲存復揚權宜珍構絕聖祚寶圖昌在德期
巢燧居安法禹湯冢集作象卿才順美多士賦成章價重
三臺俊名超百郡良馬知掖垣下陳力自迷方

早朝大明宮

賈至

附見杜集

銀燭朝天紫陌長禁城春色曉蒼蒼千條弱柳垂青瑣

百轉流鶯繞集作滿

建章劔珮聲隨玉墀步衣冠氣集作身

染御爐香共沐恩波鳳池裏終朝默默

集作朝朝染翰

侍君王

和前

王

維

附見
杜集

絳幘雞人報曉籌尚衣方進翠雲裘九重

集作
天

閭闔開

宮殿萬國衣冠拜冕旒日色纔臨仙掌動香煙欲傍袞

龍浮朝罷須裁五色詔珮聲歸向

集作
到

鳳池頭

和前

杜甫

五夜漏聲催曉箭九天

集作
重

春色醉仙桃旌旗日暖龍

蛇動宮殿風微鷺雀高朝罷香烟携滿袖詩成珠玉在

揮毫欲知世掌絲綸美池上于

集作
如

今有鳳毛

和前

崔

顥

一作岑參
附見杜集

鷄鳴紫陌曉

集作曙

光寒鷲嶂皇州春欲

集作色

關金闕曙

集作
瓊曉

鐘開萬戶玉階仙仗擁千官花明劔珮星初沒

集作

落柳拂旌旗露未乾別

集作獨

有鳳凰池上閣

集作客

陽春

一曲和仍

集作皆
又作應

難

早朝二首

王

維

皎潔明星高蒼茫遠天曙
槐霧鬱不開城頭鳴稍去始
聞高閣聲莫辨更衣處
銀燭已成行重集作金門儼駟馭

二

柳暗百花明春深五鳳城城鴟集作鳥睥睨曉宮井輓轡

聲方朔金門召集作侍班姬玉輦迎仍聞遣方士東海訪

蓬瀛

春日直門下省早朝 前人

騎省直明光鷄鳴謁建章遙聞侍中珮暗識令公集作君荀

令君坐處香玉漏催集作隨銅史天書問集作拜夕郎旌旗

三日香映閭闔歌吹滿昭陽官舍梅初紫宮門柳欲黃願將遲

日意同與聖恩長

紫微殿退朝口號

杜甫

見集本

戶外昭容紫袖垂雙瞻御座引朝儀香飄合殿春風轉
花覆千官淑景移晝漏稀聞高閣報天顏有喜近臣知
宮中每出歸東省會送夔龍集鳳池

喜達行在所三首

自京窳至鳳翔

前人

西憶岐陽信無人遂却迴眼穿看集作當落日心死著寒

灰茂

集作霧

樹行相引連山

集作蓮峯

望忽開所親驚老瘦辛

苦賊中來

二

秋

集作
愁

思胡笳夕淒涼漢苑春生還今日事間道暫時

人司隸章初覩南陽氣已新喜心翻倒極嗚咽淚

集作
涕

沾巾

三

死去憑誰報歸來始自憐猶瞻太白雪喜遇武功天影

靜千官

集作
門

裏心蘇七校前今朝漢社稷新數中興年

早朝日寄所居

皇甫曾

長安歲後見歸鴻
紫禁朝天拜舞同
曙色漸分雙闕裏
漏聲遙在百花中
爐煙乍起開仙仗
玉珮成行引上公
共荷發生同雨露
不應黃葉久從風

元日早朝呈故省諸公

盧綸

萬戟凌霜布森森
瑞氣間垂衣當曉
日上壽對南山濟
濟延多士躑躑舞
百蠻小臣無事諫
空愧伴鳴環

元日朝迴中夜書情寄南宮二人

前人

鳴珮隨鷓鴣登堦見冕旒無能裨聖代何事別滄洲
閒夜貧還醉浮名老漸羞鳳城春欲晚郎吏憶同遊

春日早朝應制

竇叔向

紫殿俯千官春松應合歡御爐香焰暖馳道玉聲寒
乳鸞翻珠綴祥鳥集露盤宮花一萬樹不敢舉頭看

元日觀郭將軍早朝

釋靈澈

欲曙九衢人更多千條香燭照星河今朝始見金吾貴

車馬縱橫避玉珂

和耿拾遺元日觀早朝

司空曙

元日爭朝闕奔流若會溟路塵和薄霧騎火接低星門

響

一作漏促

雙魚鑰車喧百子鈴冕梳當翠殿幢戟滿彤庭

積

一作表

歲方編瑞乘春即省

一作宥

刑大官

一作諸候

陳禹玉

司厯貢

一作獻

堯奠壽酒三聲

一作觴

退簫韶九奏傳太陽

開物象霈澤及生靈南陌高山碧

一作祥光紫

東方遠

一作曉

氣青自憐楊子賤歸草太玄經

一作皆雜詠

元日觀朝

楊巨源

北極長尊報聖期

一作仰
聖時

周家何用問元龜
天顏入曙

千官拜

一作喜

元日

一作日色

迎春萬物知
閭闔迴臨黃道正

衣裳高對碧山垂
微臣願獻堯人祝
壽酒年年太液池

一作皆雜詠

送楊凝郎中賀正

韓愈

天星漢落雞喔咿
僕夫起食車載脂
正當窮冬寒未已

借問君子定何

集作行安

之會朝元正無不至
受命上宰頌

及期待從近臣有虛位公今此去歸何時

和庫部盧四兄曹長元日朝廻前人

天仗宵嚴建羽旄春雲送色曉雞號
金鑪香動螭頭暗玉珮聲來雉尾高
戎服上趨承北極儒冠列侍映東曹
太平時節身難遇郎署何須歎二毛

春日退朝

劉禹錫

紫陌夜來雨南山朝下看戟枝
迎日動閣影助松寒瑞氣卷
綃縠遊光浮

集作

波瀾御溝新柳色處處拂歸

鞍

田司空入朝

張籍

西來將相近

集作位

兼雄不與諸軍覲禮同早變山東知

順命新收濟下立殊功朝官序謁趨門外恩使宣

集作喧

迎滿路中間闔曉開

集作來

銅漏靜身當受冊大明宮

早朝寄白舍人嚴郎中

前人

鼓聲初動未聞雞羸馬街中踏凍泥燭暗有時衝石柱
雪深無處認沙堤常叅班裏人猶少待漏房前月欲西

鳳闕

集作闕

星郎雖去遠
閣門開日入還齊

行簡初授拾遺同早朝入門因示十二韻

白居易

夜色尚蒼蒼
槐陰夾路長
聽鐘出長樂
傳鼓到新昌
宿雨沙堤潤
秋風樺燭香
馬驕欺地軟
人健得天涼
待漏排闥闔
停珂擁建章
爾隨黃閣老
吾次紫微郎
並入連稱籍
齊趨對折方
闕班花接萼
綽立鴈分行
近職誠為美
微才豈合當
綸言難下筆
諫紙易盈箱
老去何徵幸

集作
僥倖

時來不料量唯求致

集作
殺

身地相誓答恩光

和集賢劉學士早朝作

前人

吟君昨日早朝詩金御爐前喚仗時煙吐白龍頭宛轉
扇開青雉尾參差暫留書殿多稱屈合入綸闈即可知
從此摩霄去非晚鬢邊集作
間未有一莖絲

朝謁

鄭谷

捧日整朝簪千官一片心班趨黃道急殿揖紫宸深威
鳳迴香宸新鷲轉上林小松含瑞露春翠易成陰

武德
殿前

新裁
小松

放朝偶作

前人

寒極放朝天忻聞半夜宣時安逢密雪日晏得高眠擁
褐同休假吟詩賀有年坐來幽興在松亞小牕前

入閣

前人

秘殿臨軒日和鑾返正年兩班文武盛百辟羽儀全霜
漏清中禁風旗拂曙天門嚴新契勘仗入乍集作通承宣

玉璣當紅旭金爐縱碧烟對啟稱法吏贊引出宮鈿言

動揮毫疾威容報

集作執

薄專壽山晴靄黛

集作靄

穎氣暖

連延禮有鴛鸞集恩無雨露偏小臣叨備位謌詠恭階

前

寓直

寓直中庶坊贈蕭洗馬

王筠

龍樓寶九重薄寒殊復早玉階泣清露銅池結秋潦霜

被守宮槐風驚護門草之子搗

一集檀

文華縱橫富辭藻

舒錦慙光麗握珠謝竒寶愧予非工文何用披懷抱

寒夜直坊憶袁三公

蕭子雲

滴滴雨鳴階
惜惜茲夜靜
風落宣猷樹
寒洞承光屏
高
帷獨曉垂
華燈空夜罔
所思不相見
方知寒漏永

入蘭臺贈王治書僧孺

吳均

故人楊子雲
校書騏驎下
寂寞少交遊
紛綸富文雅
余
本隴西使
寓居雒陽社
相思非不深
行人避驄馬

冬夜酬魏少傅直史館

邢子才

年病縱橫至
動息不自安
兼豆未能飽
重裘詎解寒
况

乃冬之夜霜氣有餘酸風音響北牖月影度南端燈光
明且滅燭花新復殘衰顏依候晚壯志與時闌體羸不
盡帶髮落強扶冠夜行將欲近夕息故無寬忽有清風

贈辭氣婉如蘭先言難

一作狀

三友次

一作末

言慙一官麗

藻高鄭衛專學美齊韓審喻雖有屬筆削少能干高足
自無限積風良可搏空想青門易寧見赤松難寄語東

山道高駕尚

一作且

盤桓

中書寓直詠雨簡褚起居上官學士

楊師道

雲暗蒼龍闕，沉沉殊未開。
窻臨鳳凰沼，颯颯雨聲來。
電影入飛閣，風威凌吹臺。
長簷響奔溜，清簟肅浮埃。
早荷葉稍沒，新篁枝半摧。
茲晨悵多緒，懷友自難裁。
况復重城內，日暮獨徘徊。
玉階良史筆，金馬挾天才。
高躉通散騎，複道架蓬萊。
思君贈桃李，於此冀瓊瑰。

同徐員外除太子舍人寓直之作

郭元振

太子擅元良宮臣命偉長除榮辭會府直宿總書坊露
濕幽巖桂風吹便坐桑閣連雲一色池帶月重光葉死
蘭無氣荷枯水不香遙聞秋興作言是晉中郎

春夜寓直鳳閣懷羣公

魏知古

拜門傳漏晚寓省索居時昔重安仁賦今稱伯玉詩鴛
池滿不溢鷄樹久逾滋風夜懷山甫清風詠所思

酬薛舍人萬年宮晚景寓直懷友

上官儀

弈奕九成臺窈窕絕塵埃蒼蒼萬年樹玲瓏下宣霧池
色搖晚空巖花斂餘煦清切丹禁靜浩蕩文河注留連
窮勝託風期睽善謔東望安仁省西臨子雲閣長嘯披
烟霞高步尋蘭若金狄掩通門雕鞍歸騎喧燕餘對明
月荆艷促芳樽別有青山路策杖訪王孫

和楊舍人詠中書省花樹 張文琮

初藥映春叢

初學記作華
萼映芳叢

參差間早紅因風時落砌雜

雨乍浮空影煦

初學記
作煦

鳳池水香飄鷄樹風豈不愛攀

折希君懷袖中

直中書省

韋承慶

清切鳳凰池扶踈鷄樹枝唯應集鸞鷲何為宿羈雌大
造乾坤闊深恩雨露垂昆蚊既含養駑駘亦驅馳木偶
翻為用芝泥忽濫窺九思空自勉五字本無施徒喜逢
千載何階答二儀螢光向日盡蚊力負山疲禁宇庭除
闊閒宵鐘箭移暗花臨戶發殘月下簾敲白鬢一作髮隨
身改丹心為主披命將時並泰言與行俱危寄謝登巢

客堯年復在斯

和騫右丞省中暮望

楊炯

故事閒臺閣仙門藹已深
舊章窺複道雲幌肅重陰
玄律葭灰變青陽斗柄臨
年光搖樹色春氣繞蘭心
風響高牕度流痕曲岸侵
天明總樞轄人鏡辨衣簪
日暮南宮靜瑤華振雅音

和蘇員外寓直

喬知之

自昔重為郎伊人練國章
三旬登建禮五夜直明光
墨

草尚書奏衣飄侍御香
開簾竹氣靜拂簟蕙風涼
曉漏離閭闔鳴鐘出未央
從來宿臺上天子貴文強

此詩一百九十一卷重出今已削去

和杜侍御太清臺宿直旦有懷

李嶠

貂冠朝彩振烏署
曉光分欲嘯遷喬
侶先飛擲地文庭
虛麥雨潤林靜
蕙風薰嵇駕終難
仰梁鳧且自羣

自考功員外授

一作郎中拜

給事中

沈佺期

南省推丹地東曹拜

初學記作貴

瑣闥惠移雙管筆恩降五

時衣出入宜真選遭逢每濫飛器慙公理拙才謝子雲

微紫牘遺常禮朋僚隔等威上台行揖讓中禁動光暉

旭日千門起初春八舍歸贈蘭開宿昔談樹隱芳菲何

幸鹽梅處唯憂對問機省躬知任重寧止冒榮非

酬楊給事庶見贈省

集作臺

中前人

子雲推辯博公禮

集作理仲長統字也

擅詞雄始自尚書省旋聞

給事中言從溫室秘籍向瑣闥通顧我叨

集作從

郎署慙

無草奏工

集作章奏功

分曹八舍斷解袂五時空宿昔叨

集作

陪

餘論平生賴擊蒙神仙應東掖雲霧限南宮忽枉瓊

田贈長歌蘭渚同

集作風

同蘇員外味玄夏晚寓直省中

前人

並命登仙閣分宵直禮闈大官供宿膳侍史護朝衣卷

幔天河入當階

集作開牕初學記作披庭

月露微小池殘暑退高樹

早涼歸冠劍無時釋軒車待漏飛明朝題漢柱三署有
光輝

文苑英華卷一百九十